

## My Account - Hysbysiad Prosesu Teg

Mae'r polisi hwn yn egluro pam ein bod yn casglu ac yn cadw eich gwybodaeth bersonol, sut y caiff eich gwybodaeth ei defnyddio a beth y byddwn yn ei wneud gyda'r wybodaeth a gasglwn pan fyddwch yn cofrestru ar gyfer ein gwasanaeth My Account.

### 1. Pam ein bod yn casglu ac yn cadw gwybodaeth bersonol

Rydym yn casglu ac yn defnyddio eich gwybodaeth bersonol er mwyn creu My Account ar [www.pembrokeshire.gov.uk](http://www.pembrokeshire.gov.uk) a chynnig profiad ar-lein personol i chi. Caiff eich data personol eu prosesu am eich bod wedi rhoi eich caniatâd i ni wneud hynny.

### 2. Sut y caiff gwybodaeth amdanoch ei defnyddio.

Caiff y wybodaeth a ddarperir gennych ei phrosesu yn unol â Rheoliadau Diogelu Data Cyffredinol 2016. Mae dyletswydd arnom i warchod yr arian cyhoeddus a gaiff ei weinyddu gennym ac mae'n bosibl y byddwn yn defnyddio'r wybodaeth a ddarperir gennych, yn ogystal â thechnegau paru data, er mwyn canfod ac atal achosion o dwyll. Byddwn yn croeswiro'r wybodaeth ag adrannau eraill o fewn Cyngor Sir Penfro er mwyn sicrhau mai un cofnod cwsmer a gedwir ar eich cyfer lle bynnag y bo'n bosibl. Mae'r broses paru data yn ffordd brofedig o helpu i sicrhau bod y cofnodion a ddeler gennym ar eich cyfer yn gyfredol ac yn gywir.

Byddwn hefyd yn gwneud unrhyw ddatgeliadau sy'n ofynnol gan y gyfraith ac mae'n bosibl y byddwn hefyd yn rhannu'r wybodaeth hon gyda chyrrff eraill sy'n gyfrifol am ganfod/atal twyll neu archwilio/gweinyddu arian cyhoeddus er mwyn sicrhau y caiff arian ei dargedu a'i wario yn y ffordd fwyaf priodol a chosteffeithiol. Er mwyn cyflawni hyn, mae'n bosibl y caiff gwybodaeth ei rhannu gydag adrannau mewnol eraill o fewn Cyngor Sir Penfro gyda'r archwilydd cyffredinol i gymru

Ni fyddwn yn gwneud unrhyw ddatgeliadau i drydydd partïon at ddibenion marchnata.

Byddwn yn defnyddio'r wybodaeth a ddarparwyd gennych i gysylltu â chi mewn perthynas â gwasanaethau'r Cyngor y gwnaethoch ofyn amdanynt neu y gwnaethoch gofrestru ar eu cyfer.

Bydd eich data bob amser yn ddiogel ac yn gyfrinachol a dim ond y wybodaeth bersonol sydd ei hangen er mwyn defnyddio gwasanaethau'r Cyngor y byddwn yn ei chasglu.

### 3. Am ba mor hir rydym yn cadw eich gwybodaeth?

Byddwn yn cadw'r wybodaeth a ddarperir am gyfnod o bum mlynedd ac yn cael gwared ar eich gwybodaeth yn ddiogel pan na fydd ei hangen mwyach.

### 4. Gweld fy ngwybodaeth bersonol?

Gallwch gael gwybod a oes gennym unrhyw wybodaeth bersonol amdanoch drwy gyflwyno cais gwrthrych am wybodaeth o dan Rheoliadau Deddf Diogelu Data Cyffredinol 2018. Er mwyn gwneud cais am unrhyw wybodaeth bersonol a allai fod gennym amdanoch, bydd angen i chi gyflwyno cais ysgrifenedig a'i anfon i:

Y Tîm Mynediad at Gofnodion

Cyngor Sir Penfro  
Neuadd y Sir  
Hwlfordd  
SA61 1TP

## 5. Eich Hawliau.

O dan Reoliadau Diogelu Data 2018, mae gennych hawliau fel unigolyn y gallwch eu harfer mewn perthynas â'r wybodaeth sydd gennym amdanoch.

- Yr hawl i **weld** y wybodaeth – mae gennych hawl i ofyn am gael gweld gwybodaeth sydd gennym amdanoch ac i gael copi ohoni.
- Yr hawl i **gywiro** – mae gennych hawl i ofyn i ni gywiro eich gwybodaeth.
- Mae'n bosibl y bydd yr hawl i **gyfyngu** ar brosesu yn gymwys – gallwch ofyn i ni roi'r gorau i brosesu eich data personol, ond gall hyn achosi oedi neu ein hatal rhag darparu gwasanaeth i chi. Byddwn yn ceisio cydymffurfio â'ch cais ond mae'n bosibl y bydd yn ofynnol i ni gadw neu brosesu gwybodaeth er mwyn cydymffurfio â'n dyletswyddau cyfreithiol.
- Yr hawl i **ddileu** - nid yw'r hawl hon yn hawl absoliwt.
- Yr hawl i **symud data** - nid yw'r hawl hon yn hawl absoliwt.
- Yr hawl i **beidio â bod yn ddarostyngedig i benderfyniadau a phroffilio awtomataidd** – sy'n cynhyrchu effeithiau cyfreithiol neu affeithiau sydd yr un mor bwysig i destun y data

## 6. Cwynion neu Ymholiadau.

Mae Cyngor Sir Penfro yn anelu at gyrraedd y safonau uchaf wrth gasglu a defnyddio gwybodaeth bersonol. O ganlyniad, rydym yn cymryd unrhyw gwynion a gawn am hyn o ddifrif. Rydym yn annog pobl i roi gwybod i ni os byddant o'r farn ein bod yn casglu neu'n defnyddio gwybodaeth mewn ffordd annheg, gamarweiniol neu amhriodol.

Nid yw'r hysbysiad preifatrwydd hwn yn darparu manylion cynhwysfawr am bob agwedd ar ein prosesau ar gyfer casglu a defnyddio gwybodaeth bersonol. Fodd bynnag, rydym yn fwy na pharod i ddarparu unrhyw wybodaeth neu esboniad ychwanegol sydd eu hangen. Dylid anfon unrhyw geisiadau o'r fath i'r cyfeiriad isod:

Jo Hendy, Swyddog Diogelu Data  
Cyngor Sir Penfro  
Neuadd y Sir  
Hwlfordd  
SA61 1TP

E-bost: [dataprotection@pembrokeshire.gov.uk](mailto:dataprotection@pembrokeshire.gov.uk)

Ffôn: 01437 764551

Os hoffwch gwyno am y ffordd rydym wedi prosesu eich gwybodaeth bersonol, gallwch gysylltu â Swyddfa'r Comisiynydd Gwybodaeth fel y corff statudol sy'n goruchwylio cyfreithiau diogelu data:

Information Commissioner's Office  
Wycliffe House  
Water Lane  
Wilmslow  
SK9 5AF  
E-bost [worker@ico.org.uk](mailto:worker@ico.org.uk) Rhif Ffôn: 0303 123 1113

## 7. Newidiadau i'r hysbysiad preifatrwydd hwn.

Rydym yn adolygu ein hysbysiad preifatrwydd yn rheolaidd.